



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An plures dicantur esse Missæ de Christo, & de Sanctis & mortuis. tit. 115

urn:nbn:de:hbz:466:1-29452

ego in eo: & propter charitatem in nobis excitādam, 1. Corin. 10. Vnus panis, &c. Et in memoriam, quòd Christus redemit nos suo sanguine &c. Error est, sentire hic accipere remissionem peccatorum. Nam si manducatio sacramenti tolleret peccatum, tunc baptismus, poenitentia, vnctio, frustra fierent, & nullus fornicator, odiosus, auarus, &cæt. deberet abstinere, quia ibi sumeret remissionem peccatorum, quod falsum est. Christus dicit Ioan. 6. Qui manducat me, in me manet, & ego in eo. Non dicit, Remissionem peccatorum habebit &c. Manendum igitur est in fide & vnitate Catholica, sicut antecessores nostri fecerunt.

Respondeant sc̄tæ: Cùm primò panem solum recipiunt, id est, priorem speciem, secundum ordinem, subindè calicem etiam secundum ordinem: quæritur, Quid in hoc interuallo temporis cùm sumerent primam speciem, acceperunt antequàm altera sumeretur? Si in prima specie totum fuit sacramentum, id est, corpus, sanguis, vita, diuinitas &cæt. Si hoc credunt, Ad quid sic vrgent alteram speciem, quandò simul vtraque datur? Si non accipiunt in priori specie totum sacramentum & corpus, ergo exangue corpus & solum panem, non transsubstantiatum accipiunt, &cæt.

AN PLURES DICANTVR

*esse Missa, de Christo, & de Sanctis
& mortuis.*

TITVLVS CXV.

RIMò notandum, quòd solùm, in re, id est, in opere est vna Missa, nō plures, siue dicatur priuata vel publica, pro viuis aut defunctis, de sanctis, Trinitate, Maria, Petro, Paulo, &cæt. pro infirmis & sanis, pro varijs necessitatibus, qualitercunq; nomen

men habuerint, semper est vna Missa: solum nomen mutatur propter diuersas orationes & collectas, quæ fiunt in Missa, iuxta etiam tempora & festiuitates.

Secundo: Duo sunt in omni Missa. Vnum vocatur essentialia, alterum accidentale. Essentialia sunt partes, quas Christus fecit in cœna, id est, consecratio, communicatio, & memoria passionis Christi, Luc. 22. Hæc integrant essentialiam Missæ, & propterea dicitur Missa. Hæc Christi virtute & præcepto fiunt, Hoc facite &c.

Accidentalia sunt orationes, collectæ, pro omni statu in mundo, pro omnibus necessitatibus, pro viuus & defunctis, & secundum hoc Missa nominatur, & varia habet nomina, id est, dicitur Missa de S. Trinitate, de beata virgine &c. pro defunctis, sed tamen manet & est semper vna Missa, secundum substantia, quæ oportet in omni Missa esse & fieri, id est, consecrationem, communionem & memoriam, omnia ergo illa quæ in orationibus & collectis petimus, nõ damus dignitati orationum nostrarum, sed propter Christum petimus nos exaudiri, qui hic præsens est, & viua memoria eius hic habetur, id est, corpus & sanguis eius. Non solum est hic memoria passionis Christi, sicut apud lignum crucis, aut imaginẽ Christi, sed hic est viuum corpus & sanguis Christi: ergo Missa est viuua memoria passionis Christi.

Tertio, Non celebramus ipsis sanctis Missas, sed Deo ad memoriam passionis Christi, & in Missa solum commemorationem sanctorum habemus, sicut August. libr. 22. de ciuitate Dei, capit. 10. docuit. Nos, inquit, martyribus & sanctis nostris, non sicut dijs edificamus ecclesias, altaria, aut illorum sanguinem offerimus, sed memoriam sanctorum facimus, eò quod illorum spiritus apud Deum viuunt, & quod ipsi in virtute sacrificij crucis Christi vicerunt mundum: ieiunamus, feriamur, celebramus Missas DEO, non ipsis

ipsis sanctis, qui hoc nec cupiunt, nec indigent. At solum memoriam illorum cogitantes, quantum ipsi per fidem vicerunt regna, Heb. 11. & vt nobis quoque concedatur gratia, rogamus eorum patrociniū.

Non autem vna est memoria passionis Christi & sanctorum. Christi memoriā agimus, veluti qui suo sanguine nos redemit, cuius virtute saluamur, qui est propitiatio in sanguine suo, Roman. 3. At sanctorum memoria agitur in Missa, veluti testium, qui & hoc, quod credimus de Christo, sanguine testati sunt. Nō autem eorum sanguinis fusio nos redemit, sed Christi, &c. Non igitur ipsis, sed Deo Missam agimus. Sic omnia alia in Missa propter Christi victimam nobis concedi petimus, &c.

*MISSAE FALSA INTERPRE-
tatio per sectarios.*

TITVLVS CXVI.

RIA sunt, quæ sectarij opponunt contra Missam. Primum, quia sit nouum & singulare sacrificium, quod mercatur remissionem, contra sacrificiū crucis. Secundò, quòd in illa sancti adorantur & inuocantur in blasphemiam Christi.

Tertiò, quòd res ludicra agitur cum vestimentis, ceremonijs, quandò Christus sine omni vestitu simpliciter celebrauit. Ideo Missa est blasphemia Christi, & grauius peccatum, quàm violare virgines.

Primò mendacium est, quòd Missa sit nouum vel distinctum aut singulare sacrificium, quo mereamur remissionem & salutem, sed est solum memoria istius sacrificij, quod non meretur remissionem, sed oratio, petitio est, vt nobis condonetur remissio peccatorum propter actum crucis, Ioā. primo. Agnus Dei, &c. Hoc sacrificium crucis vnicum est propitiatorium.